

REPUBLIKA E SHQIPERISE
Këshilli i Ministrave

VENDIM

Nr.I51 datë22.3.2001

PER

DISA SHTESA DHE NDRYSHIME NE VENDIMIN NR.230, DATE 22.7.1991, TE KESHILLIT TE MINISTRAVE, "PER KRIJIMIN E KOMISIONEVE TE TOKAVE"

Në mbështetje të nenit 100 të Kushtetutës , dhe në zbatim të nenit 7, të ligjit nr.7501, datë 19.7.1991, "Për, tokën", me propozimin e ministrit të Bujqësisë dhe Ushqimit, Këshilli i Ministrave

VENDOSI:

Në vendimin nr.230, datë 22.7.1991, të Këshillit të Ministrave, bëhen këto shtesa dhe ndryshime:

1. Termat "Këshilli i rrethit", "Komiteti Ekzekutiv i rrethit", "Komisioni i tokës , në rreth", "Kryetari i Këshillit të rrethit", zëvendësohen përkatësisht me termat "Këshilli i qarkut", "Kryesia e Këshillit të qarkut", "Komisioni i tokës , në qark", "Kryetari i Këshillit të qarkut.

Termi "Kryeplaku i fshatit" zëvendësohet me termin "Kryetari i fshatit".

2. në hyrje të vendimit fjalët "të komisioneve të tokës në rrethe dhe fshat", zëvendësohen me fjalët " të komisioneve të tokës në qarqe, në komuna, në bashki dhe në fshatra".

3. në kapitullin I, të Komisionit Qeveritar të Tokës , bëhen këto shtesa dhe ndryshime, me këto përmbajtje:

në paragrafin e tretë, pas fjalëve "në Këshillat e qarqeve" shtohen fjalët "në komuna dhe në bashki".

Në paragrafin e katërt, pas fjalëve "për kufijtë e tokës" shtohen fjalët "bujqësore, ndërmjet nëndarjeve brenda qarkut, kur ajo nuk arrihet nga komisioni i tokës , së qarkut".

në fund të paragrafit fjalët "për punën e bërë nga komisioni i rrethit dhe ai i fshatit" zëvendësohen me fjalët "për punën e bërë nga komisioni i tokës , i qarkut, komisionet e komunave, të bashkive dhe të fshatrave".

në fund të paragrafit të pestë, i cili trajton përgjegjësitë e Komisionit Qeveritar, shtohet fjalia "Cështjet, për shqyrtim në komision, i paraqet sekretari dhe grupi pranë Komisionit Qeveritar të Tokës ".

Fjalët "Thërret në mbledhjet e tij drejtuesit e Komitetit Ekzekutiv të Rrethit dhe të komisionit të tokës , në rreth", ndryshon si vijon: "Thërret në mbledhjet e tij drejtuesit e komisioneve të tokës , të qarkut dhe kur e gjykon të nevojshme edhe drejtuesit e komisioneve të komunave dhe të bashkive".

4. në kapitullin II, të komisionit të tokës në qark, bëhen këto shtesa dhe ndryshime:

Pas pikës së parë shtohet një paragraf, me këtë përmbajtje:

"Përbërja e komisionit të tokës në qark, miratohet me vendim të këshillit të qarkut. në përbërje të komisionit, nga nënndarjet e qarkut, të jenë drejtorët e bujqësisë dhe ushqimit, përgjegjësit e kadastrës, përgjegjësit e zyrave të regjistrimit të pasurive të paluajtshme, përfaqësuesi i degës së rendit dhe deri në 10 anëtarë të tjerë, si agronomë, juristë, ekonomistë, inxhinierë gjeodet, etj, të cilët merren nga nënndarjet e qarkut, në raporte të drejta me sipërfaqen e tokës bujqësore të tyre.

Komisioni i tokës , i qarkut, i merr vendimet kolegjisht dhe quhen të miratuara, kur për to kanë votuar më tepër se 50 për qind e numrit të përgjithshëm të anëtarëve të komisionit.

Komisioni i qarkut thirret në mbledhje nga kryetari, jo më rrallë, se një herë në dy muaj.

Kryetarët e komisioneve të tokës , të komunave dhe të bashkive, drejtorët e bujqësisë dhe të ushqimit, në bashkrendim me përgjegjësit e kadastrës, i paraqesin ceshtjet për shqyrtim dhe propozimet pranë sekretarit të komisionit të tokës, të qarkut. Sekretari i komisionit të tokës , të qarkut, caktohet drejtori i Bujqësisë dhe- Ushqimit ku ndodhet qendra e qarkut.

Pika 2 e këtij kapitulli ndryshohet si vijon:

"2. Zgjidh mosmarrëveshjet, që kanë lindur, ndërmjet individëve dhe komisionit të tokës , në fshat, të cilat janë shqyrtuar më parë në komisionin e komunës dhe të bashkisë dhe, që janë kundërshtuar, nga njëra palë ose mosmarrëveshjet, të cilat nuk janë zgjidhur e bazuar në dispozitat ligjore".

në pikën 4 pas fjalëve "nga komisionet e fshatit", shtohen fjalët "të komunave dhe të bashkive".

në fund të paragrafit të parë të pikës 8 shtohet "Shkarkimin mund ta bejë edhe me propozimin e argumentuar, të komisionit të tokës të komunës apo të bashkisë."

5. në kapitullin II/a të komisionit të tokës në komunë, bëhen këto shtesa dhe ndryshime:

Pas shkronjës "c" shtohet një paragraf, me këtë përmbajtje:

"Vë në dijeni komisionin e tokës të qarkut, për vendimet që merr për shqyrtim dhe zgjidhjen e mosmarrëveshjeve, sipas kritereve ligjore."

në shkronjën "e/l", në vazhdim të fjalëve "kur në juridiksionin e bashkisë ka edhe fshatra..." shtohen fjalët "apo tokë bujqësore për ndarje..."

Paragrafi i dytë 1 shkronjës "g" ndryshon si vijon: "Për komisionin e qarkut dhe organe të tjera, që lidhen me ligjin për tokën, me propozimin e grupit të Komisionit Qeveritar të Tokës , vendos Kryetari i Komisionit Qeveritar të Tokës."

6. Në kapitullin III të komisionit të tokës , në fshat, bëhet kjo shtesë:

në pikën 6, në vijim të fjalëve "Në mbështetje të materials të komisionit të fshatit... të shtohen fjalët "që shqyrtohet, paraprakisht, nga komisioni i tokës, i komunës dhe i bashkisë."

Ky vendim hyn në fuqi pas botimit në "Fletoren zyrtare".

KRYEMINISTRI

ILIR META

MINISTRI I BUJQESISE DHE USHQIMIT
LUFTER XHUVELI